



22. februar 2017

Inatsisartut Suleriaasianni § 37 naapertorlugu Naalackersuisunut apequtit imaattut matumuuna saqqummiuppakka:

**Naalackersuisunut apequtit avaleraasartuunik pisassiissutit aamma taakkunanga agguaaneq pillugu:**

- 1. Qanoq qaqugulu Naalackersuisut ukioq manna avaleraasartuunik pisassiissutit agguarniarpaat?**
- 2. Avaleraasartuunut akitsuut maannakkut atuuttut Naalackersuisut aalajangiusimaniarnerlugu imaluunniit allanngortinneqassamaarpa?**
- 3. Naalackersuisut malittarisassanik allanngortitsiniarnerlutik, nunani allani amerlanerusuniik angallatinik tunitsivissanik attartornissaq periarfissaalersillugu?**
- 4. 28. oktober 2015 avaleraasartoortassat agguarneqarnerat pillugu Naalackersuisut sakkortuumik pasillerneqarput taamani Inatsisartunut ilaasortaasumi 8t Aqqaluaq B. Egedemit (IA) aamma Hans Enoksenimit (Partii Naleraq). Pisuutitsiniut taakku Naalackersuisut ullumikkut qanoq isumaqarfigaat?**
- 5. Ukiut siuliinut naleqqiullugu avaleraasartoortassat agguaanneqartarnerat pitsanngorsarniarlugu Naalackersuisut sunik suliniuteqarpat imaluunniit isumassarsiaqarpat?**  
(Inatsisartunut ilaasortaq Michael Rosing, Demokraatit)

**Begrundelse:**

Oktober 2015-mi taamani Inatsisartunut ilaasortaasut Aqqaluaq B. Egede (IA) aamma Hans Enoksen (Partii Naleraq) ataatsimoorlutik tusagassiutinut nalunaarummik nassuissaqarput avaleraasartoortassatut pisassiissutit pillugit<sup>1</sup>.

Tusagassiutinut nalunaarut assut sakkortuvoq. Ilaatigut Inatsisartunut ilaasortat Siumumeersut, Atassummeersut Demokraatineersullu tamarmik pisuutinneqarput oqaasertaliinatik inatsisinik unioqqutsinermut akuersaartutut.

---

<sup>1</sup> <http://ia.gl/naalackersuisut-har-hjulpet-hinanden-med-vennetjenester-for-40-mio-kr/>



Tamatuma saniatigut tusagassiutinut nalunaarut imaqarpoq pisuutitsiniutinik taamani Aalisarnermut, Piniarnermut Nunalerinermullu Naalakkersuisumut kiisalu partii Siumumi qaffasissumik atorfilimmut.

Naalakkersuisut Siulittaasuat kamaqaluni tusagassiutinut nalunaarut <sup>2</sup>, pisortatigoortoq aqcutigalugu akissuteqarpoq, naqissuserlugulu Aqqaluk B. Egede aamma Hans Enoksen tungavissaqanngitsumik pisuutitsiniartut. Naalakkersuisut Siulittaasuat allaat ima sakkortutigisumik iliorpoq toqqaannartumik allalluni, pisuutitsiniutit inuinnarmit saqqummiunneqarsimasuuppata eqqarsaatigisimassagaluarlugu ingerlaannaq politiinut unnerluussinissani pinerluttulerineq pillugu inatsimmi mamarliinermut paragrafimik unioqcutitsisoqarnera pissutigalugu, tusagassiutinut nalunaarummi eqqunngitsumik pisuutitsiniartoqarmat.

Taamanimut naleqqiullugu pisorpassuaqarnikuuvoq aamma politikkip iluani. Aqqalulaq B. Egede aamma Hans Enoksen Naalakkersuisunut ilaasortanngornikuupput taamaattumillu atorfitik aqcutigalugit avaleraasartoortassanik agguaassisoqalerpat annertuumik sunniuteqartussaapput.

Sermitsiami<sup>3</sup> september 2016-mi allaaserisami, umiarsuit usissaannik isumaginnittartumi Atlantic Shipping A/S-p Københavnimiittumi pisortaasup aamma Kalaallit Nunaanni nunat allamiut aalisariutaannik avaleraasartoorniutissanik attartortoqarniartillugu Kalaallit Nunaanni aalisartitseqatigiiffinnut ukiorpaalunni ikiuuttarsimasup Ture Korsagerip tikkuarpaa avaleraasartoortassat tamakkerlugit maannamut pisarineqanngitsoortarnerannut pissutaasut pingasuusut taamaattumillu avaleraasartoorniarneq maannamut sulii tamakkiisumik iluatsitsiviusimanngitsoq naak taamaattariaqanngikkaluartoq. Pissutaasut tassaapput:

- Pisassiissutit kingusippallaamik paggatassiissutigineqartarput. Kalaallit Nunaata avaleraasartoortassat tamaasa pisisassappagit pisassiissutit kingusinnerpaamik februar-marsimi agguaanneqartariaqarput.

---

<sup>2</sup> <http://naalakkersuisut.gl/da/Naalakkersuisut/Nyheder/2015/10/291015-falske-beskyldninger>

<sup>3</sup> <http://sermitsiaq.ag/tre-aarsager-aarets-makrel-fiasko>



- Akitsuut qaffasippallaarpoq
- Ammaanneqartariaqarpoq ullumimut naleqqiullugu angallatit nunani allani amerlanerusuneersut aalisarnermut atatillugu attartorneqarsinnaasariaqarput.

Maannakkut februaari naalerpoq kiisalu avaleraasartoortassanik agguaassinermut isornartorsiuisartut annersaat marluk Naalackersuisunngornikummata naatsorsuutigaarput, immikkoortoq pingaarnersinneqarsimassasoq taamaattumik aamma qilanaarpugut ukioq manna avaleraasartoortassanik agguaassinissamut pilersaarutit tusarfigissallugit.

Apeqqutima ullut suliffiit naliginnaasut qulit iluanni akineqarnissaat kissaatigaara.